

Cyngor Cymuned Y Bontnewydd  
COFNODION CYFARFOD MISOL  
4Mehefin2015 7.00 yh Y Ganolfan, Y Bontnewydd

**PRESENNOL :**

Cynghorwyr: Ifor Dylan Williams, Rhys Pugh, Emyr Williams, Ian Jones, Geraint R. Jones  
Cadeirio: Dafydd Iwan  
Huw Llwyd Rowlands, Clerc

**1. YMDDIHEURIADAU**

Cynghorydd Erddyn Davies Gwyneth Thomas, Ed Huws, Sioned Williams

**2. DATGAN BUDDIANT**

Datganodd Dafydd Iwan fuddiant oedd yn rhagfarnu, sef Eitem 6, cais cynllunio Carrog, Rhos Bach, Caeathro, a gadawodd yr ystafell pan gafodd yr eitem ei thrafod.

**3. CADARNHAU COFNODION Y CYFARFOD DIWETHAF**

Cadarnhawyd. Cynnig: Rhys Pugh  
Eilio: Ifor Dylan Williams

**4. MATERION YN CODI O'R COFNODION**

**4.1 Mynwent Sant Baglan**

Paratôdd y Clerc bapur yn crynhoi'r sefyllfa bresennol.

Dogfen Comisiynwyr yr Eglwys yng Nghymru a Chyngor Plwyf Llanfaglan dyddiedig 27 Hydref 1925 yn trosglwyddo holl fynwent Eglwys Sant Baglan a'r llwybr i Gyngor Plwyf Llanfaglan. Hyn hefyd yn cynnwys cyfrifoldeb o dan adran 24 Welsh Church Act 1914 i gynnal a chadw unrhyw lwybr sy'n mynd drwy'r fynwent at yr Eglwys.

Mae'r cynllun yn dangos fod yr holl fynwent (h.y. y darn hen a'r newydd ) wedi ei drosglwyddo i Gyngor Plwyf Llanfaglan.

Ymddengys felly fod y cyfrifoldeb ar Gyngor Cymuned Y Bontnewydd i gynnal a chadw'r llwybr o'r porth i'r Eglwys, yn ogystal â bod efo cyfrifoldeb dros y fynwent.

Mae trawsgludiad 7 Chwefror 1991 rhwng Cynrychiolwyr yr Eglwys yng Nghymru i Gyfeillion Eglwysi di-ffrindiau wedi trosglwyddo adeilad yr Eglwys ond dim tir, i Ffrindiau Eglwysi di-ffrindiau

## **Plac ar wal y fynwent**

Ceir plac ar wal y fynwent sydd wëid ei hymestyn yn darllen:

“Rhoddwyd y chwarter erw hwn o dir gan Arglwydd Glynllifon at ehangu’r fynwent 1930.”

Mae’r sefyllfa’n parhau’n aneglur, ac mae’n bosibl fod yr ateb yn perthyn i gyfnod Cyngor Bwrdeistrefol Arfon a Chyngor Plwyf Llanfaglan.

Penderfynwyd y dylai’r Clerc atgoffa’r Eglwys yng Nghymru am eu cyfrifoldeb i gynnal a chadw a sicrhau diogelwch y Porth.

### **4.2 Grant Presenoldeb ar y We**

Y Clerc wedi derbyn manylion gan y rhelyw o Aelodau ac am gysylltu efo’r rhai sydd heb ddarparu gwybodaeth.

### **4.3 Baw cŵn a thipio slei bach Lôn Groes**

Cafwyd ymateb gan Gyngor Gwynedd.

Mae arwyddion yn rhybuddio rhag baeddu gan gŵn wedi eu gosod.

Bydd Cyngor Gwynedd yn trefnu glanhau’r safleoedd parcio o fwsog, sbwriel ac yn torri’r drain. Bydd hynny yn ystod yr wythnosau nesaf, pan fydd y Gang Cymunedol yn galw heibio’r pentref.

Yr unig ateb i’r tipio slei bach yw rhoi ffens wifren i gau’r adwy, ond does dim mwy o dipio wedi digwydd yn ddiweddar, ac felly awgrymwyd nad oes angen cymryd camau pellach os nad yw’r broblem yn digwydd eto.

### **4.4 Ffordd osgoi Bontnewydd**

Cafodd y Clerc ateb gan Gyfarwyddwr Prosiect y Ffordd Osgoi wedi iddo ddanfon gohebiaeth at Lywodraeth Cymru.

- Astudiaethau ac arolygon defnyddwyr yn cael eu cynnal er mwyn penderfynu ar welliannau i lwybrau cerdded, beic a marchogaeth y gellir eu cynnwys yn y cynllun. Bydd mwy o wybodaeth erbyn diwedd 2015
- Datganiad amgylcheddol yn cael ei gynhyrchu yn ystyried sŵn, effaith weledol, llygredd ac effaith ar yr amgylchedd ddŵr
- Y cynigion cyffredinol o ran draenio dŵr yw cyfeirio’r llif i bantiau. Mae cynllun draenio wrthi’n cael ei baratoi a bydd yn barod yn ddiweddarach eleni.

### **4.5 Mainc Llanfaglan**

Mae'r Clerc wedi gofyn i Wyn Williams baentio'r fainc ac edrych ar sefyllfa'r chwyn.

Awgrymodd y Cynghorydd Ifor Dylan Williams y dylid ystyried selio'r tyllau ble mae sgriwiau yn y fainc er mwyn rhwystro pydredd.

## **5.MATERION ARIANNOL**

### **5.1 Cyflog a chostau clercc Mai 2015**

£208.18 - £41.60 treth incwm = £166.58 + costau swyddfa £45.00

**Cyfanswm Gros** £253.18

**Cyfanswm Net** £211.58

**5.2** Costau postio £5.83

**5.3** Glanhau cysgodfanau Wyn Williams Ebrill – Mai 2015 Anfoneb 1504 £90.00

**5.4** Clirio gwydr a gosod panel newydd arosfan Cartref Bontnewydd Anfoneb 1505 £384.00

**5.5** Balans yn y banc 4 Mehefin 2015 £5,739.94

## **6. Cynllunio a Materion Cyfreithiol Eraill**

Cais cynllunio C15/0490/19/LL

Codi adeilad allanol ar gyfer parcio cerbyd a storfa; Carrog, Rhos Bach, Caethro, LL55 2TF

Penderfynwyd cymeradwyo'r cais

## **7. GOHEBIAETH**

- Grant Datblygu Cymunedol Grŵp Cynefin
- Cwrs Cynllunio Cymru, Bae Colwyn, 15 Gorffennaf 2015
- Cynllun Datblygu Lleol Gwynedd a Môn – Cylch yr Iaith
- Ymgynghoriad Llywodraeth Cymru ar Warchod Asedau Cymunedol
- Ymgynghoriad ar Amseriad Pwyllgor Arfon Dwyfor Un Llais Cymru
- Gofal ac iechyd oedolion
- Cynhadledd Un Llais Cymru 8 Gorffennaf
- Llythyrau diolch am roddion gan Ganolfan Bro Llanwnda, Eisteddfod Bontnewydd, Cymdeithas Lenyddol Bontnewydd, Llew, Y Ganolfan

Derbyniwyd yr uchod i gyd er gwybodaeth

- Cylchdro Glan Beuno – bydd y gwaith yn dechrau ar 8 Mehefin

## **8. MATERION ERAILL**

### **8.1 Cyfethol aelod newydd**

Mynegodd y Cynghorydd Rhys Pugh ei fwriad i ymddiswyddo fel Cynghorydd gan y bydd yn symud o'r ardal i fyw ddechrau tymor yr Hydref.

Gofynnwyd i'r Clerc wneud ymchwil o ran y broses i gyfethol aelod yn ei le.

### **8.2 Dyddiad ac amser y cyfarfod nesaf**

Penderfynwyd cynnal cyfarfod mis Gorffennaf wythnos yn ddiweddarach na dydd Iau cyntaf o'r mis. Roedd hyn oherwydd bod sesiwn Her Gwynedd yn cael ei gynnal yng Nghaernarfon nos Iau 2 Gorffennaf.

## **9. DYDDIAD Y CYFARFOD NESAF**

Gorffennaf 9 am 7 yh Y Ganolfan, Bontnewydd